

\*\*\*\*\*

Rēktom žuodius kāp stēklous sorinktē:  
Prismagiuos ne vèn kuojēs – ēr dūšēs...  
Rēktom ētē – kāp mediou nelinktē,  
Nuors daug kartu jau esi nolūžēs.

Rēktom varda ēr kelē neklaustē –  
Tiktā lūpa prikoustē lig kraujē...  
Nuors skaudomā apēnt parsēkraustē,  
Ēr jau mūkas prasēded ēš naujē.  
Jug negal vèn tik lītē ēr lītē –  
Kiaurā mērktē par ēšdaužtus longus!..  
Jug jau sīluos neblēka matītē,  
Kāp skēist vēskas, kas bova tuoks brongos!..